



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XLVII. Quod Abbas Generalis Congregationis Vallis umbrosæ pro tempore
existens Mozettam, & Mantellettam, Pileum, & Biretum Prælatitios etiam
in Capellis Pontificiis deferre, & gestare possit.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Missam, & Officium de eodem Beato Stanislao Kostka in eorum propriis Ecclesiis, & Domibus religiosis, aliisque locis sacris celebrare, & respective recitare; in aliis vero locis extendi ad solas Ecclesias Presbyterorum Societatis præfatæ, juxta facultatem in eisdem literis concessam, dicta auctoritate tenore præsentium declaramus: Salva tamen semper in præmissis auctoritate Congregationis præfatorum Cardinalium.

Decretum irritans.

§. 3. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & spectabit in futurum plenissime suffragari; Sicque in præmissis per quoscumque Judices ordinarios, & delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his à quoquam quavis auctoritate scienter, vel ignoranter contigerit attentari.

Derogatio contrario. u.

§. 4. Non obstantibus præmissis, ac Constitutionibus, & Ordinationibus Apostolicis, cæterisque contrariis quibuscumque.

Transumptorum fides.

§. 5. Volumus autem, ut ipsarum præsentium literarum transumptis, seu exemplis etiam impressis, manu Secretarii dictæ Societatis, vel Notarii publici subscriptis, & sigillo alicujus personæ in Ecclesiastica dignitate constitutæ, vel Præpositi, aut Vicarii Generalis ejusdem Societatis pro tempore existentis munitis, eadem prorsus fides in judicio, & extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Dat. P. A. 2. die 30. Sept.

Dat. Romæ apud S. Mariam Majorem, sub Annulo Piscatoris, die 30. Septemb. 1671. Pontificatus Nostri Anno Secundo.

XLVI.

Prohibet omnibus, & singulis Fratribus Ordinis Minorum S. Francisci Capuccinorum pro quacumque re obrinenda recursum ad personas extra eundem Ordinem.

De hac materia vide que indicavi tibi ad Const. 110. Admonet. Alexand. VII. ubi ad rem plura videre poteris, & ad Const. 17. Ecclesiæ, hujus Pont.

Edita A. D. 1671.

CLEMENS PAPA X.

Ad perpetuam rei memoriam.

Exordium.

EX injuncto Nobis cœlitis Apostolicæ servitutis munere in eam præcipuè curam sollicitis studiis incumbimus, ut regularem observantiam, religiosamque tranquillitatem inter Religiosos viros, eos præsertim, quos suave Christi jugum sub arctioris vitæ instituto amplexos, cæteris modestiæ, atque humilitatis, & religiositatis exemplo præluere decet, quantum nobis ex alto conceditur tueri, atque conservare satagamus.

Supplicatio.

§. 1. Supplicationibus itaque dilecti filii moderni Ministri Generalis Ordinis Fratrum Minorum S. Francisci Capuccinorum nuncupatorum nomine Nobis super hoc humiliter porrectis inclinati, eumque à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes; omnibus, & singulis dicti Ordinis Fratribus præsentibus, & futuris, ne de cætero ad obtinendas obedientias, sive permissiones visitandi eorum parentes, seu propinquos, aut loca sacra quacumque, vel ut ad dignitates, officia, aut mœnra qualibet ejusdem Ordinis, aut ad studia promoveantur, sive ut ab uno ad alium locum transfire, vel in aliquo particulari Conventu permane-

re eis liceat, vel ut cum eis dispensetur, ad hoc ut ante peractum septennale studium in Concionatores assumi, munusve Concionatoris exercere, aut ut ante completum in eodem Ordine septennium ad sacrum Presbyteratus ordinem promoveri valeant, sive ad alia similia consequenda tam pro se, quam pro aliis Ordinis præfati Fratribus ad quarecumque personarum extra eundem Ordinem existentium etiam quavis Ecclesiastica, vel mundana dignitate, præminetia, & potestate fungentium, aut alias specifica, & individua mentione, & expressione dignarum favores, suffragia, vel intercessionem, recurrere, illisve uti audeant quovis modo, vel præsumant sub excommunicationis lætæ sententiæ, ac privationis vocis activæ, & passivæ, ac graduum, & officiorum quorumcumque per eas obtentorum, perpetuæque inhabilitatis ad illa, & quævis alia in posterum obtinenda pœnis per contravenientes ipso facto absque alia declaratione incurrendis, auctoritate Apostolica tenore præsentium perpetuo prohibemus, & interdiciamus.

Prohibetur in rub.

§. 2. Decernentes easdem præsentibus literas, semper firmas, validas, & efficaces existere, & fore, suosque plenarios, & integros effectus sortiri, & obtinere, & ab illis, ad quos spectat, & pro tempore quancumque spectabit, inviolabiliter, & inconcussè observari; Sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiri debere; ac irritum & inane, si secus super his à quoquam quavis auctoritate, scienter vel ignoranter contigerit attentari.

Claufula præservat. v.

§. 3. Quocirca memorato Ministro Generali harum serie committimus, & mandamus, ut ipsas præsentibus literas in omnibus, & singulis Ordinibus præfati Provinciis & Conventibus quamprimum publicari curet, ne quiscquam illarum ignorantiam allegare possit.

Executores præsentium deputat.

§. 4. Non obstantibus Constitutionibus, & ordinationibus Apostolicis, ac quatenus opus sit dicti Ordinis, ejusque Provinciarum, & Conventuum quorumlibet etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Contrariis derogat.

§. 5. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio, & extra habeatur, quæ haberetur ipsis præsentibus, si forent exhibitæ, vel ostensæ.

Transumptorum fides.

Datum Romæ apud Sanctam Mariam Majorem sub Annulo Piscatoris, die 2. Octob. 1671. Pontificatus Nostri Anno Secundo.

Dat. P. A. 1. die 2. Oct.

Quod Abbas Generalis Congregationis Vallis umbrosæ pro tempore existens Mozzettam, & Mantellettam, Pileum, & Biretum Prælatitios etiam in Capellis Pontificiis deferre, & gestare possit.

XLVII.

Simile Indultum concessit alteri Congregationi Alex. VII. Const. 99. & const. 167. Decet.

CLEMENS EPISCOPUS.

Servus Servorum Dei. Ad perpetuam rei memoriam.

Edita A. D.
1671.

Exordium.

Decet Romanum Pontificem ad ea, per quae personarum Ecclesiasticarum quarumlibet praesertim Congregationum Monasticarum, quae Sanctorum, & Romanorum Pontificum, aliorumque Virorum pietate, & doctrina praestantium numero decoratae existunt ornameto, divinique cultus celebritati, & decori peramplius consulitur libenti animo intendere, ac in his sui Pastoralis officii partes favorabiliter impartiri, prout locorum, & temporum, ac personarum hujusmodi Dei servitio dicatarum qualitatibus, & circumstantiis debite pensatis ad devotionis Christifidelium augmentum, & propagationem, nec non Altissimi laudem, & gloriam prospicit in Domino salubriter expedire.

Supplicatio.

§. 1. Exhibita liquidem Nobis nuper pro parte dilecti filii Theodori Baldini moderni Abbatis Generalis Congregat. Vallis umbrosae Ordinis S. Benedicti petitio continebat, quod cum inter Congregationes Monachorum Italiae d. Ordinis Congregatio praedicta duorum Summorum Pontificum, ac plurium Sanctorum numero, & Viris insignibus pietate, & doctrina praestantibus decorata, ac etiam ex antiquitate, & a Sede Apostolica diversis favoribus, & gratiis insignita existat, itaut illius Abbas Generalis Mitra, Baculo, & Annulo Pastoralibus, caeterisque Pontificalibus Insigniis utatur, & fruatur, ac potiat, & gaudeat, plurimum tamen decori, & Dignitati Abbatis Generalis primordiae Congregationis videretur convenire ipsum Theodorum, & pro tempore existentes primordiae Congregationis Abbates Generales a Nobis, & dicta Sede aliqua digniori prerogativa decorari, & illustrari. Quare pro parte dicti Theodori, & pro eo dilecti filii nostri Leopoldi S. R. E. Cardinalis Medices nuncupati, Nobis fuit humiliter supplicatum, quatenus ejusdem Congregationis Vallis umbrosae, ejusque Abbatum generalium pro tempore existentium decori consulere, aliisque in praemissis opportunè providere, de benignitate Apostolica dignaremur.

§. 2. Nos igitur, qui Ecclesiarum quarumlibet & Congregationum decorem, divinique cultus, & Christifidelium devotionis augmentum nostris potissimum temporibus ubique augeri faceris desideramus affectibus, eundem Theodorum, ac ejus Successores pro tempore existentes Abbates Generales praedictos, ac eorum quemlibet a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium duntaxat consequendum harum serie absolventes, & absolutos fore censentes, hujusmodi supplicationibus inclinati, ac honestis ipsius Theodori votis hac in parte favorabiliter annuentes, ex voto Congregationis Venerabilium Fratrum nostrorum ejusdem S. R. E. Cardinalium super Ritibus Ecclesiasticis Praepositorum, eidem Theodoro, & pro tempore existentibus Abbatibus Generalibus primordiae Congregationis, ut de caetero perpetuis futuris temporibus tam in Romana Curia, quam extra eam, ac ubique locorum, ubi dictum Theodorum, & pro tempore existentes Abbates Generales praedictos pro tempore residere, & morari contigerit, ac in quibusvis Visitationibus, Capitulis, & Sessionibus, necnon quibusvis actibus, & Processionibus, etiam coram Nobis, & Romanis pro tempore existentibus Pontificibus successoribus nostris etiam in Capellis Pontificiis Mozzettam, & Mantelletram coloris habitus ipsius Congregationis Vallis umbrosae unà cum Pileo, & Bireto Praelatiis induere, gestare, & deferre,

Confirmat
sicut in rub.

illisque uti, frui, & gaudere liberè, & licitè possit, & valeat, ac possint, & valeant Apostolica auctoritate tenore praesentium perpetuò concedimus, & indulgemus, plenamque, & liberam facultatem, & auctoritatem impartimur; decernentes ipsum Theodorum, ac pro tempore existentes Abbates Generales praedictos super delatione, gestatione, & usu Mozzettae, Mantelletae, Pilei, & Bireti praedictorum a quoquam sub quovis praetextu, occasione, vel causa quantumvis juridica, & legitima, vel quaesito colore, & ingenio nullatenus impediri posse, neque debere.

§. 3. Praesentes quoque semper, & perpetuò validas, & efficaces esse, & fore, suosque plenarios & integros effectus sortiri, & obtinere, ac eidem Theodoro, & pro tempore existentibus Abbatibus Generalibus in omnibus, & per omnia plenissime suffragari debere, nec sub quibusvis similibus, vel dissimilibus gratiarum revocationibus, suspensionibus, aut aliis contrariis dispositionibus comprehendendi, sed semper ab illis excipi, & quoties illas emanare contigerit, toties praesentes in pristinum, & validissimum statum restitutas, repositas, & plenarie reintegratas, ac de novo sub quacumque posteriori Data per dictum Theodorum, ac pro tempore existentes Abbates Generales praedictos quodocunque eligendos concessas esse, & fore.

§. 4. Sicque, & non aliàs per quoscumque Judices Ordinarios, & Delegatos quavis auctoritate fungentes, & honore fulgentes, ac Causarum Curiae Camerae Apostolicae, & Palatii Apostolici Auditores, ac S. R. E. Cardinales etiam de latere Legatos, Vicelegatos, & dictae Sedis Nuncios judicari, & definiri debere, ac irritum quoque, & inane quidquid secus super his a quoquam quavis auctoritate scienter, vel ignoranter contigerit attentari.

§. 5. Non obstantibus quibusvis etiam in Synodalibus, & Provincialibus, ac Generalibus Conciliis editis, & edendis, specialibus, vel Generalibus Constitutionibus, & Ordinationibus Apostolicis, necnon Ordinis, & Congregationis Vallis umbrosae hujusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, caeterisque contrariis quibuscumque.

§. 6. Nulli ergò omnino hominum liceat hanc paginam nostrae absolutionis, concessionis, indulgentiae, impartitionis, & decreti infringere, vel ei ausu temerario contraire: si quis autem hoc attentare praesumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud Sanctam Mariam Majorem, Anno Incarnationis Dominicae millesimo sexcentesimo septuagesimo primo, sexto nonas Octob. Pontif. Nostri Anno Secundo.

Indulgentiam plenariam largitur omnibus Christifidelibus, qui Missae de Nomine Beatissimae Virginis Mariae, die 17. Septembris quotannis celebrandae in Ecclesiis Provinciarum, & Regnorum Regis Hispaniarum interfuerint.

CLEMENS PAPA X.

Ad perpetuam rei memoriam.

Aliàs emanarunt a Nobis ad supplicationem charissimae in Christo filiae nostrae Mariannae Hispaniarum Reginae Catholicae Nobis per dilectum filium nobilem virum Petrum de Aragonia Ducem Segorbiae, & Cardonae, Regni Neapolis Protegem, qui tunc munere Oratoris ad praestandam Nobis charissimi in Christo filii nostri Caroli earumdem Hispaniarum Regis Catholici obedientiam apud Nos, & Sedem Apostolicam

Clausula
praeservativa.

Clausula
sublata.

Contrario-
rum derogatio.

Sanctio poe-
nalis.

Dat. P. An.
2. die 2. Oct.

XLVIII.

Edita A. D.
1671.

Exordium.